

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

Ustavno - pravna komisija

Broj: 01/1-011-240/00

Sarajevo, 12. 10. 2000. godine

Z A P I S N I K

**25. sjednice Ustavno-pravne komisije Predstavničkog doma
Parlamentarne skupštine Bosne i Hercegovine, održane 18. oktobra 2000. godine**

Sjednica je zakazana za 18. oktobar 2000. godine, sa početkom u 9,00 sati, ali je zbog nedostatka kvoruma (prisutni: Bogić Bogičević, Rasim Kadić i Sejfudin Tokić), odgođena i počela s radom u 13,40 sati.

Sjednici su prisustvovali: Mirko Banjac, Bogić Bogičević, Milenka Bošnjak, Miodrag Deretić, Hilmo Neimarlija i Rasim Kadić (predsjedavajući).

Sjednici nisu prisustvovali: Ana Havel, Sejfudin Tokić i Ljubomir Zovko, koji su opravdali odsustvo.

Pored članova Komisije, sjednici su prisustvovali: predstavnici OSCE, Seada Paravlić, ispred predlagača Osnovnog zakona o ombudsmenu Bosne i Hercegovine i Vedran Hadžović, sekretar Komisije.

Za sjednicu je predložen i usvojen sljedeći

D N E V N I R E D:

1. Zapisnik 23. i 24. sjednice Radne komisije za ustavna i pravna pitanja Predstavničkog doma Parlamentarne skupštine BiH održane 27. jula 2000. godine;
2. Prijedlog izmjena i dopuna Budžeta institucija Bosne i Hercegovine i međunarodnih obaveza BiH za 2000. godinu,
3. Prijedlog zakona o izmjenama Zakona o izvršenju Budžeta institucija BiH i međunarodnih obaveza BiH za 2000. godinu,
4. Prijedlog zakona o postupku zaključivanja i izvršavanja međunarodnih ugovora,
5. Prijedlog zakona o slobodi pristupa informacijama u Bosni i Hercegovini (predlagači poslanici Sejfudin Tokić i Ivo Lozančić);
6. Nacrt Osnovnog zakona o ombudsmenu Bosne i Hercegovine (predlagač poslanik Edhem Bičakčić);
7. Prijedlog zakona o izmjenama i dopunama Zakona o carinskoj tarifi,
8. Nacrt Zakona o sportu (predlagači poslanici Sejfudin Tokić, Ivo Divković, Ristan Ristić, Mugdim Herceg i Ivo Lozančić);
9. Prijedlog Zakona o Crvenom križu BiH (predlagač: poslanik Edhem Bičakčić);
10. Nacrt Zakona o osnovama i registraciji institucija, organizacija i udruženja BiH (predlagač: poslanik Haris Silajdžić);

11. **Nacrt Zakona o važnosti javnih isprava u BiH** (predlagač: poslanik Haris Silajdžić);
12. **Nacrt Zakona o imovini BiH** (predlagač: poslanik Haris Silajdžić);
13. **Nacrt Zakona o osnivanju prometa nekretninama u BiH** (predlagač: poslanik Haris Silajdžić);
14. **Nacrt Zakona o međudržavnom i međuentitetskom cestovnom transportu** (predlagač: poslanik Haris Silajdžić);
15. **Nacrt Zakona o ugovorima o prijevozu u cestovnom transportu** (predlagač: poslanik Haris Silajdžić);
16. **Nacrt Zakona o osnovama sigurnosti saobraćaja na cestama** (predlagač: poslanik Haris Silajdžić);
17. **Nacrt Zakona o državnim cestama BiH** (predlagač: poslanik Haris Silajdžić);
18. **Nacrt Zakona o međudržavnom i međuentitetskom željezničkom transportu** (predlagač: poslanik Haris Silajdžić);
19. **Nacrt Zakona o ugovorima o prijevozu u željezničkom transportu** (predlagač: poslanik Haris Silajdžić);
20. **Nacrt Zakon o osnovama sigurnosti željezničkog transporta** (predlagač: poslanik Haris Silajdžić);
21. **Nacrt Zakona o unutrašnjoj i pomorskoj plovidbi** (predlagač: poslanik Haris Silajdžić);
22. **Nacrt Zakona o međudržavnim i međuentitetskim komunikacijama** (predlagač: poslanik Haris Silajdžić);
23. **Nacrt Zakona o finansiranju željezničke infrastrukture** (predlagač: poslanik Haris Silajdžić);

Član Komisije Milenka Bošnjak je izdvojila mišljenje u vezi sa usvajanjem dnevnog reda, s prijedlogom da se razmatraju samo prvih 6 tačaka predloženog usvajanjem dnevnog reda.

Konstatirano je da je za zakone naznačene pod tačkama 8., 9., 10. i 11. u Poslovniku Predstavničkog doma, kao nadležna komisija utvrđena Ustavno-pravna komisija.

AD. 1:

Komisija je usvojila zapisnike 23. i 24. sjednice Radne komisije za ustavna i pravna pitanja Predstavničkog doma.

AD. 2. i 3:

Komisija je jednoglasno utvrdila da postoji ustavni osnov za donošenje Prijedloga izmjena i dopuna Budžeta institucija Bosne i Hercegovine i međunarodnih obaveza BiH za 2000. godinu i Prijedloga zakona o izmjenama Zakona o izvršenju Budžeta institucija BiH i međunarodnih obaveza BiH za 2000. godinu.

AD. 4:

Komisija je ranije, prilikom razmatranja Nacrta zakona utvrdila da postoji ustavni osnov za donošenje Zakona o postupku zaključivanja i izvršavanja međunarodnih ugovora, te ostaje pri ranijem mišljenju. U pogledu iznesenih amandmana na Prijedlog zakona, Komisija smatra da se o njima treba izjasniti predlagač.